

三才圖會

三才圖會

珍寶一卷


雲間允明父王思義續集

錢圖下

錢圖下 偽印

項梁

錢



楚漢春秋曰項梁陰養死士九十人參不者所欲計謀也木祥疾於室中鑄大錢

吳王

渙錢



前漢吳王渙傳曰吳有豫章郡銅山即招致天下亡命者盜鑄錢

鄧通

錢





前漢鄧通傳曰文帝賜通蜀嚴道銅山得自鑄錢鄧氏錢布天下

大錢 漢書食貨志曰王莽居攝變漢制更造大錢



徑寸二分重十二銖文曰大錢五十

小錢



五等

前漢食貨志曰王莽作錢布之品名曰寶貨小錢徑六分

重一銖文曰小錢直一次七分三銖曰么錢一十次八分

五銖曰幼錢二十次九分七銖曰中錢三十次一寸九銖


曰壯錢四十因前大錢五十是為錢貨六品直各如其文

文質周郭倣漢五銖錢


貨泉錢 鐵錢 小錢



前漢書食貨志曰王莽天鳳元年罷大小錢改作貨泉徑一寸重五銖文右曰貨左曰泉枚直一




後漢書公孫述傳曰述廢銅錢置鐵官以鑄錢



後漢書獻帝紀曰初平元年董卓壞五銖錢更鑄小錢

沈郎錢河陽錢得壹錢



晉書食貨志曰吳興沈充鑄小錢謂之沈


郎錢舊譜曰或言小于五銖文字

輕重未審

丘悅三國典畧曰王則除洛州刺史舊太原佛像毀以鑄錢世號河陽錢

唐書食貨志曰史思明據東都鑄得壹元寶錢徑寸四分以一當開元通寶之百又

順天錢 永通錢



曰史思明惡得壹非長久之兆改其文曰
順天元寶



五代史南唐世家曰李景困于用兵鍾謨請鑄大錢以一
當十文曰永通泉貨

唐國錢大唐錢永平錢



十國紀年唐史曰元宗以周師南伐歲貢方物府藏空竭錢貨益少遂鑄唐國通寶錢二當開元錢一



馬令南唐書曰元宗鑄大唐通寶錢與唐國錢通用數年漸弊百姓盜鑄極為輕小



五伐史前蜀世家曰王建武成三年十二月大赦改明年元為永平

通正錢天漢錢光元錢



五代史前蜀世家曰王建永平五年改元通正



五代史前蜀世家曰王建通正元年十月大赦改明年元曰天漢國號漢



五代史前蜀世家曰王建天漢元年十二月大赦改明年元曰光元

乾德錢咸康錢廣政錢



五代史前蜀世家曰王建卒子衍立明年改元乾德




五代史前蜀世家曰王衍乾德七年改元曰咸康



五代史後蜀世家曰孟昶明德五年改元曰廣政

鐵錢



一十國紀年後蜀史廣政二十五年以屯戍
既廣調度不足始鑄鐵錢

乾亨錢




五代史南漢世家曰梁貞明三年劉龔即位
國號大越改元曰乾亨

鉛錢



十國紀年漢史曰劉龔以國用不足鑄鉛錢
十當銅錢一乾和後多聚銅錢城內用鉛城
外用銅禁其出入犯者抵死俸祿非特恩不
給銅錢

乾封錢



五代史楚世家曰高郁諷馬殷鑄鉛鐵錢以十當銅錢一

天策錢




五代史楚世家曰馬殷請依唐太宗故事開天策府梁太祖拜殷天策上將軍

鉛

錢

鐵

錢



十國紀年閩史曰王審知爲閩王梁貞明
元年澄州寧化縣出鉛置鉛場二年鑄鉛
錢與銅錢並行

陶岳貨泉錄曰王審知鑄大鐵錢濶寸餘
甚麤重亦以開元通寶爲文仍以五百文
爲貫俗謂之銚効賀與銅錢並行

永隆錢

天德錢



五代史閩世家曰王延義立改元永隆鑄

大鐵錢以一當十十國紀年閩世家王

延義永隆四年八月鑄永隆通寶大鐵錢

一當鉛錢百

十國紀年閩史曰王延政天德二年鑄天

德通寶大鐵錢一當百

太平


興國

錢



土

錢



應天

錢



董道曰張台云馮洪所鑄

五代史雜傳曰劉仁恭令燕人用掘土爲錢悉歛銅錢鑿山而藏之已而殺工以滅口後人皆莫知其處

董道曰幽州劉守光鑄錢面文曰應天元寶背文曰萬

平當錢



徑九分重三銖肉郭夷坦當字湮漫或云
漢代所鑄

四出錢



徑寸一分重三銖六參面背文皆四出字
盡漫昧六泉五十本王莽所鑄初無四出
之就又有背文爲北斗七星者

大泉

五銖

錢

雙五

五銖

錢

大

泉

錢



顧烜曰七種異錢今世見有 張台曰有


顧氏所見七種異錢之內大小輕重未聞

徑八分重二銖四參五字連綴肉郭

左右

五銖

錢



按此錢形製窳薄面文曰五銖肉漫好濶僅有輪郭背文亦曰五銖肉郭夷坦倒置其字徑寸重二銖三參又一品面文曰五銖幕文以五銖字上下之徑七分重二銖四參余按五銖沿漢迄隋因革不一品目尤夥又四出謂之角錢去肉郭謂之女錢狹小其制謂之稚錢三面無郭謂之白錢有反其文名傳形者有輪郭去盡名對文者有上下

其字名奇品者以至赤側當兩鸞眼鷄目四柱兩柱之類
 文皆五銖外建龜茲踈勒亦倣此制諸譜載之其備獨此
 未載勝于濟樞密嗜古嘗獲此錢號曰左右五銖錢計以
 意因之也

大元

貨泉

錢



李孝美曰此錢徑七分半重四銖其文上曰
 太下曰元右曰貨左曰泉太元則真書貨泉
 則小篆形製不甚佳

通行 泉寶 錢 兩 銖 錢 續 銖 錢



按此錢徑八分半重二銖七參銅質簡古
字含八分體背文穿上有月形

顧烜曰劉氏錢志所載奇異稀有原始未
聞

舊譜曰形製頗類五銖面文無好郭其文
右曰續左曰銖

兩柱錢



隋書食貨志曰梁末又有兩柱錢及鵝眼錢但兩柱重而鵝眼輕

女錢



雅錢



對文



隋書食貨志曰梁武帝鑄五銖錢又別鑄除其肉郭謂之女錢又有五銖女錢太平百錢五銖雅錢五銖對文等號輕重不一

五朱錢 定平錢 傳形半兩錢



顧烜曰徑七分半重三銖半文曰五朱源出
稚錢但稍遷異以銖為朱三吳屬縣行之亦
差少




隋書食貨志曰梁武帝時百姓或私以古錢
交易有定平一百



字文坦明背兩皆無輪郭徑八分重二銖一
參

太平百錢




隋書食貨志曰梁武帝時百姓或私以古錢交易有太平百錢

兩 背 錢



敦素曰此錢重四銖徑一寸三分微有外輪背面無好郭其文篆書右曰兩左曰背形質大抵似半兩制作古異源流莫知按禮記鄭玄注云八兩為鎰據其輕重非如其文然左邊之字不當為背但未識耳

一文錢



敦素曰徑寸五分重七銖中穿正圓內外並無輪郭有如半兩之狀一面有字點畫甚纖利

四曲文錢



舊譜曰形製類半兩肉好無輪郭面有四曲文外向有一字右類文字左不可識

永光錢



徐氏曰文曰永光

五 金 錢 大 朝 錢 天 鎮 錢



徐氏曰文曰五金 按此錢徑八分重三銖
六參字文明澈製作甚精

李孝美曰此錢徑寸五分重十五銖其文

真書曰大朝金合肉好背面皆有周郭云或

是外
國鑄



李孝美曰此錢徑八分重四銖六黍文曰天鎮福寶背文有一黍字在穿上字體形製與石晉天福錢殊不相侔今世所見至多

萬歲錢




李孝美曰此錢徑寸二分重十三銖面文繆篆曰皇帝萬歲背文繆篆曰忠孝傳家肉好皆有

大興錢太千錢



李孝美曰此錢徑八分重四銖面文曰大興平寶復有一丁字在背文穿上



按此錢徑八分重三銖六參文曰太千通寶倒置通寶字千字疑當作平歲久漫滅爾背文有一丁字在通字之背作字體肖大興平寶錢

天感錢 古錢 古文錢



按此錢文曰天感元寶大小二品字書道勁
頃歲獲此尋逸之大小輕重莫詳疑外國所鑄




李孝美曰此錢徑寸一分重十銖面有兩字
不可識肉好皆有周郭皆夷漫如半兩狀



徑一寸重四銖五參背文夷漫面肉坦平微
有輪郭頗類園法

三字錢千字錢太興錢




徑寸一分重三銖三參面背肉形皆平外無
周郭製作簡古字畫夷漫匠辨亦國法別種
也

李孝美曰此錢徑寸六分重十銖面文右邊
有一千字體如遼錢疑其同出而未得依據
肉好皆有周郭背文亦如半兩

董道曰文曰太興平寶疑五代僭偽之所鑄

黃河錢




舊唐書曰元和元年靈武李樂奏黃河岸塌處得古錢三千三百其錢形小方孔三足

天品

天帝


錢



宗懔荆楚歲時記曰道書云牽牛娶織女天帝借一萬錢下禮久不還被驅在營室中

寶


錢



頂生經曰其王是漫陀多王頂上而生後爲輸王以福力故天雨寶錢滿國皆富

咸陽

雨錢






任昉述異記曰周成王時咸陽雨錢終日不絕

金五
銖錢



刀布品


白金三品



任昉述異記曰漢世潁川民家用金五銖錢


前漢書食貨志曰武帝又造銀錫白金以爲天用莫如龍
地用莫如馬人用莫如龜故白金三品其一曰重八兩其
文龍名曰撰直三千二曰以重差小方之其文馬直五百
三曰復小橢之其文龜直三百

契刀




前漢食貨志曰王莽造契刀其環如大錢身形如刀長二
寸文曰契刀五百


漢刀



前漢食貨志曰王莽以黃金錯其文曰一刀直五千

十布





前漢書食貨志曰王莽鑄大布次布第布壯布中布差布
厚布幼布幺布小布小布長寸五分重十五銖文曰小布

直一百自小布以上各相長一分相重一銖文各爲其布
名直各加一百上至大布長二寸四分重一兩而直千錢
矣是爲布貨十品

貨


布



前漢食志貨曰王莽天鳳元年罷大小錢改作貨布長二
寸五分廣一寸首長八分有奇廣八分其圓好徑二分半
足枝長八分間廣二分其文右曰貨左曰布重二十五銖
直貨泉二十五與貨泉見偽品並行

大黃

布刀



舊譜曰重七銖長二寸三分文曰大黃布刀

張台曰此



亦王莽所鑄文曰大黃布刀莽自言黃虞之後大黃莽之

自稱也

古

刀


布



管子曰先王用珠玉爲上幣黃金爲中幣刀布爲下幣
李孝美曰按先王刀布文字刑度書所不載然今世所有
古刀異布甚多豈非當時所用者乎舊譜別作品俱列于
後

蒙城

古刀



宣和五年郭僕爲亳州蒙城令村人得之田中柄端有方
寸七三字彷彿隸書背有方孔不透身形如刀文曰貨布
五百疑王莽所鑄

長平




古刀



舊譜曰天寶元年西河郡別駕李幼奇於長平溪澗中所
得狀如小刀長二寸四分濶五分柄長二寸濶四分柄端
有孔總長四寸七分背面俱有字不可識

沂州


銀刀



嘉祐雜志曰王公和學士罷沂州得銀刀一有齊大公安
九字九字中闕不相屬刀上又有隱起圓形疑是九府圖
法也

平長

異布




舊譜曰亦幼奇所得也長寸一分下廣九分首長五寸廣
五分向上漸濶無好足枝長四分間廣三分面文兩字類
科斗書皆有三道文不可識

異

布

異


布



舊譜曰長四寸一分上廣寸二分下廣寸五分首長六分
廣寸好徑五分足枝長寸二分間廣四分重十二銖狀如
貨布面文四字背文兩字不可識

異


布



舊譜曰長二寸六分首廣寸六分肉亦訛足間首好無輪郭其正圓面文六字背文一字不可識


異

布




舊譜曰長二寸四分上廣寸五分下廣寸七分首廣六分足間廣八分重八銖四傍有郭訛然亦無好面文七字縱橫不可識

異布





舊譜曰長二寸四分上廣寸五分下廣寸三分首廣六分足間廣五分重八銖無好及肉郭回文六字不可識

異布





異布




張台曰長寸六分肩廣八分首廣五分足間廣二分重六
銖背文如二字面文如日下安又字又兩畫長短不齊背
文如了傍加豎斜畫與上布皆于寶鼎尉王鑄處見之

異布



張台曰長二寸一分肩廣寸三分首廣九分足枝長六分
間廣四分半重二十八銖面文四字有如二字者金邊安
瓜者山下安中者兩口相重者背文一字與面文右邊向
上者同形質朴厚不曾磨鑢於檢校膳部李泳處見之

異布




李孝美曰按此布長短廣狹輕重與上布相類面文六字
亦同但倒正相異復無背文耳

異布



李孝美曰按此布長二寸上廣寸二分下廣寸三分首長七分廣七分足間廣五分正圖背面肉好皆有周郭面文六字亦不可識

異布



按此異布長二寸肩廣四分首廣六分半足枝長五分間


廣四分半重十三銖八參正圖背面肉好皆有周郭面文四字

異布



按此異布長二寸二分肩廣四分半首廣八分足枝長五分半間廣如之正圖重十六銖七參面文不可識

藕心錢



舊譜曰世有此錢其形四方狀如博基長二寸面濶三分
當四稜皆上下通闊若藕挺中破其上有首形如秤槌
鼻有孔號爲藕心錢

蟻鼻錢



舊譜曰此錢其形上狹下廣背平面凸起七分下濶三分

上銳處可潤一分重十二銖面有文如刻鏤不類字世謂之蟻鼻錢


古布



舊譜曰咸通八年交海觀察鄭漢章奏百姓於野內掘得古銅片四千九百五十五片詔翰林驗云上有齊歸化三字按其形製及文篆外莫之覩亦古布流也


外國品

賓錢



後漢南蠻傳曰高祖爲漢王發夷人還伐三秦秦地既定乃遣還巴中復其渠帥七姓不輸租賦餘戶乃歲入賓錢口四十

沙州玉錢



張台曰河西節度使張議譚進玉錢一枚時不宜下其文字輕重世莫得而聞也議譚本吐蕃別部以沙州歸國故附外國品末

劇賓

國錢



前漢西域傳曰劇賓國以金銀爲錢文爲騎馬幕爲人面
張晏曰錢文同作騎馬形漫作人面目也

烏弋

山離

國錢



前漢西域傳曰烏弋山離國錢貨與罽賓同獨文爲人頭
幕爲騎馬

安息

國錢



史記大宛傳曰安息國以銀爲錢錢如其王面王死輒更
鑄效王面焉 前漢西域傳曰安息國以銀爲錢文爲王
面幕爲夫人面王死輒更鑄

大月氏國錢



前漢西域傳曰安息國以銀爲錢文爲王面幕爲夫人面
王死輒更錢大月氏國錢貨與安息同

泥婆

羅國

錢



舊唐書西戎傳曰泥婆羅國以銅爲錢面文爲人背文爲


馬牛不穿孔

新唐書西域傳曰泥婆羅國鑄銅爲錢面

文人形背牛馬形

何國

錢



徐氏曰以銀爲之徑寸五釐不開孔面爲人面背爲草木
狀


康國錢



徐氏曰以銀爲之徑九分不開孔背面皆作人面面文側
而背文正面文繞以連珠之狀

拔汗

國錢



徐氏日以金爲之徑七分五釐無文字又一種有三旋文並不開孔

條支




國錢

樂史太平寰宇記曰條支國市列錢貨其錢面文爲人慕爲騎馬

拂菻

國錢



神宗國史曰拂菻國歷代朝貢不至熙寧四年其王滅伊
靈改撒始來貢交易爲金銀錢無孔面鑿彌勒佛背國王
名

大食

國錢



廣州記曰生金出大食國彼方出金最多凡諸貨易並使
金錢

因墀國錢



王子年拾遺記曰因澤國在西域之北晉武帝時獻玉錢千緡其形如環環重十兩上有天壽永吉之字

和同錢神功錢



萬年錢隆平錢乾文錢



舊譜曰日本國錢四品並徑寸重五銖其文
 隸書一曰和同開珍二曰神功開珍三曰萬
 年通寶四曰隆平永寶其國延曆中鑄

國朝會要云太平興國九年日本國僧大周
 然等浮海而至云其國用銅錢文曰乾文寶

屋馱

國錢



徐氏曰徑七分厚薄肉好不異中夏 敦素
日字若梵書不可復識

疎勒

國錢



徐氏曰徑七分厚薄肉好不異中夏 敦素
日字若梵書不可復識

龜茲

國錢




徐氏曰龜茲疎勒國即五銖也大九分一面
文

吐

蕃


國

錢



敦素曰此錢徑寸重五銖肉好精巧不減中國以銅爲之
皆胡字不可識背文如開元錢有甲文詢于衆人謂之胡
錢 徐氏曰按屋馱與此相類

倭國錢 范字錢



贊寧傳載曰倭國在東海中正朔一同中夏
年號天慶天曆其國用錢文曰延喜通寶



按 此錢徑八分重三銖六參銅色純赤文
不可辨大抵類屋駄吐蕃錢



五代史四夷附錄曰契丹主阿保機僭號名
年曰天贊 按 此錢徑九分重三銖六參

文曰天贊通寶

契丹國天贊錢

應曆錢 重熙錢 清寧錢



董道曰北虜錢文曰應曆重寶 趙至忠虜庭雜記曰偽穆宗德光之子改元應曆



趙至忠虜庭雜記曰聖宗卒少主宗真立改元景福一年又改重熙



陳昉虜庭須知曰契丹主洪基改元清寧故名按此錢徑九分重三銖文曰清寧通寶

大康



錢

徐兢高麗圖經曰契丹咸雍十年改大康至十年改元大
安

大安

錢



李季興東北諸蕃樞要曰契丹主天祐年號大安

壽昌錢



李季興東北諸蕃樞要曰契丹主天祐年號壽昌

乾統錢



北遼通書曰天祚卽位壽昌七年改爲乾統按此錢徑寸重三銖二參文曰乾統元寶

天慶錢



李季興東北諸蕃樞要云契丹主天祚年號天慶

千秋錢



李孝美曰此錢徑三分文曰千秋萬歲今
易得蓋常歲虜使入貢人多故易得耳
董道曰遼國錢蓋近世所為

海東

三錢



按 鷄林類事云高麗所鑄有通寶重寶之文今世所見
凡三種通寶錢有二篆字及真行體重寶篆文製作頗精
並徑九分重三銖六參

三

韓

錢



孫穆雞林類事曰高麗倣本朝鑄錢以錢交易但其錢規模與中國同皆以海東通寶或海東重寶三韓通寶為記

東

國

錢




按此錢徑寸重二銖四參文曰東國通寶輪郭渾重字畫明坦計高麗所鑄

閩

婆

書



三朝國史曰閩婆國翦銀葉為錢博易諸蕃風俗云其國以銅銀錫鉄鋤雜鑄為錢其錢六十四箇為一兩

交趾

國黎

字錢

大秦

國錢


三佛

齊國


錢



國朝會要云秘書丞朱正臣言前通判廣州竊見蕃商多往交州買市齊黎字及砂鐵錢至州頗素中國之法




後漢書西域傳曰大秦國一名犁鞞國以金銀爲錢銀錢十當金錢一



諸蕃風俗云三佛齊在廣州正南其國用金銀銅錫合鑄爲錢

佛泥

國錢




諸蕃風俗云佛泥國在廣州東南其國用銅鑄銀雜鑄爲錢

東沃

且國


錢



魏志東夷傳曰東沃且國在高句麗蓋馬大山之東

新羅


國錢



傳燈錄曰城於洪州開元寺受新羅僧金大悲錢二十千令取六祖大師首歸海東供養

高昌

國錢



後周書異域傳曰高昌國賦稅計田輸銀錢

波斯

國錢




後周書異域傳曰波斯賦稅准地輸銀錢

女

國

錢



隋書西域傳曰女國在葱嶺之南其女王死國中則厚歛金錢求死者族中之賢女二人一爲女王次爲小王

大月

氏國

錢

小月


氏國

錢


中天

竺國


錢



通典云大月氏國在大宛西錢貨與安息同



北史西域傳曰小月氏國以金銀爲貨



舊唐書西戎傳曰中天竺國謀反者幽殺之
小犯罰錢以贖罪

龜茲

于闐




國錢

投和

國錢

阿耆

國錢




唐書西域傳曰葱嶺以東俗喜淫龜茲于闐
置女肆征其錢

唐書南蠻傳曰投和在真臘南銀作錢類榆
莢盜鑄者截手

西域記曰阿耆尼國貨用金銀錢小銅錢

屈支

國錢




西域記曰屈支國貨用金銀錢小銅錢

覩貨

邏國

錢




西域記曰覩貨邏國貨用金銀等錢模樣異諸國

梵衍

那國

錢



西域記曰梵衍那國貨幣之用同覩貨邏國

迦畢

試國

錢

那揭


羅曷

國錢


健馱

那伽


國錢



西域記曰迦畢試國貨用金錢銀錢及小銅錢規矩模樣異於諸國



西域記曰那揭羅曷國昔如來在世之時牧牛之士以金錢買花供養受記又云諸欲見如來頂骨者稅一金錢若取印者稅五金錢



西域記曰健馱邏國有貧士得一金錢願造佛像酬工尚少復有一人持一金錢求畫佛像畫工是時受二人錢共畫一像

室邏

伐悉

國錢

羯若




鞠闍

國錢

鉢邏

那伽

國錢



西域記曰室邏伐悉底國王威風遠洽臣諸
印度日以五億金錢周給貧窶一使人剃髮
輒賜一億金錢

西域記曰羯若鞠闍國有佛牙長餘寸半士
庶瞻仰監守者禁其喧雜權立重稅欲見佛
牙輸大金錢

西域記曰鉢邏那伽國城中有天祠靈異多
端衆生於此祠捨一錢功踰他所施千金

婆羅

疵斯

國錢

尼波




羅國

錢

摩揭

陀國

錢



西域記曰婆羅疵斯國有隱士遇一人悲號

逐路以五百金錢遺之疵

女點反

西域記曰尼波羅國出赤銅貨用赤銅錢

西域記曰摩揭陀國有伽藍其地本菴沒羅

國五百商人以十億金錢買以施佛

伊爛

拏鉢

代多

國錢

橋薩


羅國

錢


摩突

羅國


錢



西域記曰伊爛拏鉢代多國昔一長者晚失
繼嗣時有報者輒賜金錢一百億因名其子
聞二百億



西域記曰橋薩羅國王爲龍猛菩薩鑿山建
立伽藍計工人所食鹽價用九拘胝金錢拘胝
者唐言億




阿育王傳曰摩突羅國有長者出錢於山中
作精舍又有一長者錢財衰耗唯五百舊金
錢在詣尊者邈多所而求出家

乾陀

越國


錢



阿育王持一金錢布施此塔王有宮婢得一銅錢以施衆僧後生王宮掌中有一大金錢

杜薄


國錢



樂史太平寰宇記曰杜薄國出金以金爲錢

康居


國錢



西蕃記曰康居國以六月一日爲歲首至此日王及人庶在國城東林下七日馬射至欲罷日置一金錢于帖上射中者得一日爲王

末祿

國錢



杜還經行記曰末祿國錢惡梅國西南市鄺

正平其佑銀錢

軒渠

國錢



樂史太平寰宇記曰軒渠國幣貨畧同三童國

三童

國錢



樂史太平寰宇記曰三童國作金幣率效國王之面亦效


王后之面若丈夫交易則用國王之面婦人用王后之面

王死則更鑄

阿鈞

康國


錢



後魏書西域傳曰阿鈞康國市用錢爲貨

舍衛


國錢



四分律曰佛在舍衛國時舍衛城中諸長者
集會先有制其有不至者罰錢五百

層檀

國錢




神宗國史曰層檀國交易用錢三分其劑金
銅相半而銀加一分禁私鑄

碎葉

鐵國

錢



徐氏曰賓鐵作之形如兩鑲相連枚各圍寸

九分聖曆中御史封思業使西域得諸國錢


此與阿鈞康國以下諸品並是也

驃國錢




唐書南蠻傳曰驃古朱波也以金銀爲錢形如半月號登伽佗亦曰足彈陀

巴氏錢



後漢南蠻傳曰秦惠王并巴中以巴氏爲蠻夷君長出賦二千一十六錢三歲一出義賦千八百錢

錢 倓




後漢南蠻傳曰秦昭襄王時有巴郡閬中夷人能作白弩射殺白虎昭王嘉之乃刻石盟夷人傷人者論殺人得以倓錢贖死

奇品

臺主


衣庫

錢




顧烜曰中王之錢臺主衣庫今有此錢徑四寸重八兩面
文曰中王之錢背文曰五銖七千

羅紋錢




翅紋錢




顧烜曰一錢臺主衣庫今有

北斗錢



舊譜面文曰大泉五十背爲北斗之狀

軒轅錢




顧烜曰今有此錢徑一寸重五銖面文爲北斗軒轅之象
背文爲矛盾龍鳳之形謂之北斗星錢




柄文錢



日月錢






井文錢 雙五錢 雙十錢



顧烜曰五錢並奇異今世見有 按 顧氏所見異錢本七種舊譜移太和五銖入正用品大泉五銖入不知年代品


星月錢四錢五錢八星錢



按 此錢顧烜所載四傍皆篆書五字董道
謂之四五錢李孝美乃以五銖字上下之與
舊說抵牾

顧烜曰三錢劉氏錢志所載並未見奇異稀
有原始未聞

鯨文錢 兔犬錢 明月錢



張台曰肉好背面皆有周郭一面有雙魚宛轉之文

舊譜曰此錢形甚瑰麗面作兔犬之文上兔下犬而無文字


徐氏曰此錢文曰明月

四神錢



舊譜曰肉好背面皆有周郭並作青龍白虎朱雀玄武之狀亦有一面者大者徑寸八分重三兩

萬國錢



此錢徑寸六分重十三銖面文平地作水文一字類梵書不可識或云日字背文爲星官月兔雲鶴龜形

龍文錢三雀錢



敦素曰徑九分重三銖兩傍有文如日月皆不可識制作肉好者如半兩



舊譜曰徑寸三分重十銖背面緣上皆作三雀銜花相面文曰五行大布背文有野草閑花之狀

龜背錢



顧烜曰四文龜背錢今有此錢徑一寸重六銖文曰太平
百錢背文隱起爲龜形舊譜曰龜背文錢

水波紋錢



顧烜曰太平四文錢背有水波紋者三種並徑一寸重六銖文曰太平百錢大體類前！太平四文但製作微爲瑣壯而背有波紋耳今世往往有之莫知其始

雙星錢玄武錢



李孝美曰此錢徑寸一分重五銖面文肉郭



李孝美曰此錢徑寸二分重八銖文永通萬國背文爲玄
武星劍之象

千秋錢




李孝美曰徑寸九分重二十四銖面文曰千秋萬歲背文
爲龍鳳之象

龍鳳

重輪

錢



按此錢徑寸三分重七銖二參背文重輪肉形渾厚面文篆書永通泉貨背為龍鳳盤繞之象

鳳

錢



按此錢徑寸二分重六銖輪郭重厚面文為雙鳳翔舞之狀

雙魚錢



按此錢徑九分重四銖五參面文爲龍鳳盤繞之形背文雙魚相向

四事錢



按此錢徑九分重三銖六參面文二人相向一立一坐上有飛禽下一走犬背文夷漫

單面

龍鳳錢






余按此錢徑九分重三銖九參面文爲龍鳳之象背文夷平

龍鳳錢




李孝美曰此錢徑寸重七銖面文有肉郭爲龍鳳之形背夷漫而爲雙鶴鵝鵠盤繞之狀其文皆隱起

藕心錢




四種其一長一寸二分濶九分重一兩二錢無銘其二長一寸一分濶七分重一兩三錢無銘其三長一寸三分濶七分重一兩二錢無銘其四長一寸三分濶二分重一錢有半無銘

輕影錢



洞冥記曰漢武帝昇望月臺時睽望南端有三青鴨宿臺
端日色已暗青鴨化爲三小童着青綺文襦各握鯨文大
錢五枚置帝几前身上影動各輕影錢


消水錢



洽聞記曰晉義熙十二載消陽縣群童子浴
於消水忽見側有錢出如流沙因競取之手
滿放隨流去又以衣盛裹各有所得

會稽

船錢



宋書五行志曰晉海西太和中會稽山陰縣起倉鑿地得兩大船錢錢皆輪文大形鑿者馳以告官官夜遣防守甚嚴至明失錢所在唯有船存

青溪

宅錢




南史齊本紀曰世祖於其住堂內得異錢文爲北斗星雙刀雙旗及有人形帶劍

太平錢




南齊祥瑞志曰世祖治益城又得一大錢
文曰太平百歲

齊興郡錢



南齊祥瑞志曰永明七年齊興太守劉元
寶治郡城於塹中獲錢百萬形極大以獻
世祖班賜朝臣以下各有差

齊安郡錢



南齊祥瑞志曰永明十年齊安郡民王攝
掘地得四文九錢一爲二十七百十枚品
製如一

令公

百爐



錢

廣宗


郡錢



偽

趙

錢



丘悅三國典畧曰西魏大統九年正月東魏

有雀銜永安錢置渤海王高歡家歡世子澄

乃令百爐別鑄此錢鄴中號令公百爐錢

三國典畧曰北齊文宣帝天保元年正月卽


位十月廣宗郡獻瑞錢文曰歸于聖帝

晉書載記石勒傳曰泰始中建德校尉王和

掘得一鼎容四斗中有大錢三十文曰百當

千千當萬因此令公私行錢




軒轅錢 孫先先生錢



令狐澄大中遺事曰軒轅先生居羅浮山唐
宣宗召入禁中以桐竹葉滿手授成錢

湘山野錄曰成都高僧誦法華經有功忽一
山僕至寺言先生來晨請師誦經聽罷齋以
秣飯一盂杞菊數甌食訖施襯一錢因問僕
先生何人曰孫思邈僧大駭視襯資乃金錢
一百皆良金也中五六金一半尚鐵

桐城錢白雀錢壽春錢




徐鉉稽神錄曰壬子歲桐城雙巷有回風卷錢經市而過市人隨攫其錢以衣襟貯之歸視與錢無異而十亡七八

稽神錄曰徐仲寶所居道南有大枯樹於其下沙中獲錢百餘積年凡得數十萬復於厨側鼠穴中掘之深數尺有一白雀飛出其下獲錢至百萬又曰壽春人曹真出行野外忽見坡下有數十錢自遠而來飛聲如鈴真逐之入一小穴以手掬之得數十文

應元錢



北海鐵錢




沈括筆談曰廬山太平觀元豐二年道士發地得一餅封鑄甚固破之有一銅錢文有應元保運四字元豐四年忽有詔進號九天採訪使者爲應元保運真君與錢文符同本觀乃以其錢表獻之

金華子曰北海縣中門中有地隱起若小堆阜一縣宰令平之得小鐵錢不明叙時代其錢大小如五銖

嚴君


平錢



科


斗

錢



鷺口

洞錢



趙忬成都記云嚴真觀漢嚴君平宅也內有井名曰通仙有人淘井得銅錢三寸徑可二寸或曰此君平擲卦錢也

又唐李師泰理第於錦浦里於其堂北鑿地五六尺得金錢數十枚各重十七八銖徑二寸七八分圓面無孔去緣二分有隱起規規內面各科斗書二十二字其緣甚薄有刃焉樂史總仙記曰皇朝淳化元年昇州奏二月十五日夜忽有雷聲茅山鷺口洞宮石開二尺裏面得銅鐵錢三十一文

永安

五男

錢




舊譜曰徑二寸三分重十八銖厚一分上下輪郭之間皆作粟文面上四出文文曰永安五男背作四神之狀又有日月相對者

七


夕

錢



舊譜曰徑寸四分重十三銖肉好背面皆有周郭文爲牽牛織女相對形穿上爲花穿下爲草製甚古質

福慶錢



舊譜曰徑寸二分半重十銖肉好背面皆有周郭亦有徑寸四分重十八銖者文曰伍男二女二公九卿好郭邊作連珠文於外分爲八分若箕形其二二五九皆作大字

撒帳錢




舊譜曰徑寸重六銖肉好背面皆有周郭其形五出穿亦隨之文曰長命守富貴背面皆爲五出文若角錢狀景龍中中宗出降睿宗女荆山公主特鑄此錢用以撒帳勅近臣及修文館學士拾錢其銀錢則散貯絹中金錢每十文卽繫一綵條學士皆作却扇

男錢




舊譜曰徑寸重四銖懸針書文曰布泉世人謂之男錢言佩之則生男也

辟兵錢



千金錢



舊譜曰徑八分重三銖背面皆有周郭又有兩重方穿之
中更有小穿和正安之疑若八角然其文一面曰去殃除
丙 面曰辟兵莫當其篆字其間有八柱郭外仍有小柄

舊譜曰形製輕重類辟兵錢其文一面曰長毋相忘一面曰日入千金錢間亦有八柱

豐樂錢



舊譜曰徑八分重二銖五黍面文有四字皆科斗書其可識者豐樂肉好背向皆有周郭

君宜侯王錢



舊譜曰此錢徑寸重如其文文有六字曰君宜侯王五銖並篆書背面但有肉郭而無好郭形製與漢五銖同而不甚精妙

錢	二女	五男	錢	富	錢	年	長
---	----	----	---	---	---	---	---





舊譜曰徑七分欸文曰長年太寶

晉書石勒載記曰勒鑄豐貨錢

李孝美曰此錢徑七分厚一分半重十銖背
面有字皆曰五男二女

天下 太平 錢二 品



李孝美曰此二錢大小不等面文皆曰天下太平背文並
 隱起大者徑寸重六銖爲持擬人傍有躍龍之狀而平地
 作水文小者徑八分重五銖爲五男一女戲弄之象而平
 地作毬路文疑亦厭勝之流也